

S. Congregatio Consistorialis

1416/54

CAESARAUGUSTANAE ET ALIARUM

Decretum de mutatione finium dioecesium

Initis inter Sanctam Sedem et Hispanicum Gubernium die XXVII mensis Augusti anno 1953 solemnibus Conventionibus de finibus dioecesium, Exc. P. D. Hildebrandus Antoniutti, Archiepiscopus titularis Synnadensis in Phrygia et in Hispania Nuntius Apostolicus, ab Apostolica Sede postulavit ut limites dioecesium in civilibus provinciis regionum vulgo «Navarra», «Aragón» et «Cataluña» ex parte tantum exstantium, aliquantum immutarentur.

Ssm.us Dominus Noster Pius Divina Providentia PP. XII, praehabito favorabili voto Ordinariorum, ratus petitam finium dioecesium immutationem in uberius spirituale fidelium bonum cessuram, oblati precibus benigne annuendum censuit.

Quapropter, suppleto, quatenus opus sit, eorum interesse habentium vel habere praesumentium consensu, de plenitudine potestatis, praesentibus Litteris *distribuit*:

1. ab archidioecesi *Caesaraugustana* archipresbyteratus quos vocant «Aliaga», «Calamocha», «Cantavieja», «Castellote», «Monreal del Campo», «Montalbán», «Muniesa», «Illueca» et «Magallón», paroecias vulgo: *La Corvillá, Luna, Valpalmas, Erla, Cortés de Navarra, Arandiga, Ricla, Salillas, Lumpiaque*, et tandem paroeciam *Olocau* intra fines sitam provinciae civilis «Castellón» nuncupatae;

2. a dioecesi *Tirasonensi* archipresbyteratus vulgo «Alfaro» in finibus provinciae civilis «Logroño» et «Agreda», in provincia civili «Soria», ac tredecim paroecias intra fines provinciae civilis cui nomen «Navarra» exstantes;

3. a dioecesi *Calaguritana* et *Calceatensi* archipresbyteratus «Viana» et «Amescoa» appellatos, in finibus provinciae vulgo «Navarra» patentes;

4. a dioecesi *Seguntina* archipresbyteratum «Ariza» nuncupatum in provincia civili vulgo «Zaragoza» comprehensum;

5. a dioecesi *Oscensi* paroeciam, eorum lingua, *Santa Engracia*, Caesaraugustae sitam, necnon paroecias vulgo: *Broto, Buesa, Sarvisé, Astn del Broto, Bujaruelo, Torla, Viu, Ltnas del Broto, Fragen, Oto* et tandem *S. Felices, Fuencalderas* et *Marracos*;

6. a dioecesi *Iacensi* paroeciam *Eres* appellatam in finibus civilis provinciae vulgo «Huesca» sitam;

7. a dioecesi *Illerdensi* archipresbyteratus quos vocant «Bérbegal», «Artesa de Segre» et «Manresana» una cum eorum paroeciis et filialibus ecclesiis paroecias: *Morillo de Llena, Bacamorta, Egea, Liert, Serrate, Nocellas, Merit, Villacarle, Vilas de Turbón, Ballabriga, Beranúy, Denúy, Neril*, necnon

Estada, Estadilla, Fons et *Almunia de San Juan*, ac tandem duas has paroecias *Mequinenza* et *Fayón* quae in civili provincia vulgo «Zaragoza» inveniuntur;

8. a dioecesi *Terulensi*, paroecias *Becfí* in provincia civili vulgo «Guadalajara», et *Huélamo* intra fines civilis provinciae «Cuenca» exstantes;

9. a dioecesi *Dertoseni*, paroecias: *Calaceite, Arens, Lledó* et *Crestas* necnon paroeciam *Mayals* in provinciam civilem vulgo «Lérida» sese expandentem;

10. a dioecesi *Urgellensi* territoria nuncupata: *Sarroqueta, Arén*, septem continens paroecias, *Peralta de la Sal* cum octo eius paroeciis et *Castaner* quatuor comprehendens paroecias.

Sanctitas Sua pariter memorata territoria dioecibus infra recensitis sequentii ratione *adnectit*:

1. archidioecesi *Caesaraugustanae* paroecias quas vocant: *Santa Engracia* a dioecesi *Oscensi*, *Mequinenza* et *Fayón* a dioecesi *Illerdensi*, *Calaceite, Arens, Lledó* et *Crestas* a dioecesi *Dertoseni* per praesens Decretum dismembratas;

2. dioecesi *Terulensi* memoratos archipresbyteratus *Altaga, Calamocha, Cantavieja, Castellote, Montreal del Campo, Montalbán* et *Muniesa* ab archidioecesi *Caesaraugustana* separatos;

3. dioecesi *Iacensi* praefatas paroecias vulgo: *La Corvilla, Luna, Valpalmas, Erla*, ab archidioecesi *Caesaraugustana*, *Broto, Buesa, Sarvisé, Asín del Broto, Bujaruela, Torla, Vitu, Linas del Broto, Fragen, Oto, S. Felices, Fuencalderas* et *Marra-cos* a dioecesi *Oscensi* disiunctas;

4. dioecesi *Dertoseni*, paroecias: *Olocau* ab archidioecesi *Caesaraugustana* et *Becfí* a dioecesi *Terulensi* distractas;

5. dioecesi *Pampilonensi* paroecias tredecim a dioecesi *Tirasonensi*, *Cortes de Navarra* ab archidioecesi *Caesaraugus-*

tana et tandem archipresbyteratus vulgo «Viana» et «Ames-coas» a dioecesi *Calagurritana* et *Calceatensi* dismembratos;

6. dioecesi *Tirasonensi* memoratos archipresbyteratus «Illüeca», «Magallón» necnon paroecias *Arandíga, Ricla, Sallillas*, et *Lumpiaque* ab archidioecesi *Caesaraugustana* et archipresbyteratum «Ariza» a dioecesi *Seguntina* separatum;

7. dioecesi *Calagurritanae* *Calceatensi* quem supra memoravimus archipresbyteratum «Alfaro» nuncupatum, a dioecesi *Tirasonensi* disiunctum;

8. dioecesi *Oxomensi* praefatum archipresbyteratum communiter «Agreda» appellatum et a dioecesi *Tirasonensi* separatum;

9. dioecesi *Oscensi* archipresbyteratum vulgo «Berbe-gal» cum eius paroeciis et filialibus ecclesiis ab *Illerdensi* dioecesi et paroeciam *Eres* a dioecesi *Iacensi* seiunctos;

10. dioecesi *Barbastrensi* praefatas paroecias: *Morillo de Liena, Bacamorta, Egea, Lleret, Serrate, Nocellas, Merli, Villacarte; Vilas de Turbón, Ballabriga, Beranúy, Denúy, Neril*, insuper, *Estada, Estadilla, Fons, Almunia de San Juan* a dioecesi *Illerdensi* separatas, et tandem quatuor paroecias territorii vulgo «Castaner» a dioecesi *Urgellensi*, uti supra, distracti;

11. dioecesi *Urgellensi* archipresbyteratum «Artesa de Segre» nuncupatum cum eius paroeciis et filialibus ecclesiis a dioecesi *Illerdensi* distractum;

12. dioecesi *Celsonensi* memoratum archipresbyteratum «Manresana» cum eius paroeciis ab eadem dioecesi *Illerdensi* seiunctum;

13. dioecesi *Seguntinae* paroeciam vulgo *Motos* a dioecesi *Terulensi* separatam;

— 14. dioecesi *Conchensi* quam supra memoravimus paroeciam *Huélamo* a dioecesi *Terulensi* dismembratam;

15. dioecesi *Illerdensi* paroeciam *Mayals* a dioecesi Dertosensi, atque territoria *Arén*, *Peralta de la Sal*, et *Sarroqueta* a dioecesi Urgellensi per praesens dismembrata.

Sanctitas Sua insuper Administrationem dioecesis *Tudelensis*, hactenus Episcopo Ordinario Tirasonensi concreditam, praesenti Decreto Ordinario pro tempore dioecesis *Papilionensis*, sede quoque vacante, nomine et ad nutum Sanctae Sedis committit cum omnibus iuribus, facultatibus et privilegiis quibus Ordinarii dioecesium in proprio territorio fruuntur.

Tandem Sanctissimus Dominus Noster, sic immutatis dioecesium finibus, mandat ut acta et documenta singulas memoratas paroecias respicientia, a Curia dioecesis a qua ad Curiam dioeceseos cui quaelibet paroecia noviter est aggregata, tradantur; ad clerum vero quod attinet, decernit, ut simul ac praesens Decretum ad effectum deductum fuerit, clerici dioecesi illi censeantur incardinati in cuius territorio legitime degunt.

Ad haec omnia executioni mandanda Sanctitas Sua memoratum Exc. P. D. Hildebrandum Antoniutti deputare dignata est, necessarias et oportunas ei tribuens facultates etiam subdelegandi, ad effectum de quo agitur, quemlibet virum in ecclesiastica dignitate constitutum, onere imposito ad S. Congregationem Consistorialem, quam primum, remittendi authenticum exemplar actus peractae executionis.

Quibus super rebus Eadem Sanctitas praesens edi iussit Consistoriale Decretum perinde valiturum ac si Apostolicae sub plumbo Litterae datae forent.

Datum Romae, ex Aedibus Sacrae Congregationis Consistorialis, die 2 Septembris 1955.—† Fr. A. I. CARD. PIAZZA, Episcopus Sabinensis et Mandelensis.—L. X. S.—IOSEPHUS FERRETO, ASSESSOR.—Concordat cum originali. Ex Aedibus S. Congr. Consistorialis 23 Septembris 1955.—SAC. ANTONIUS CARRETA.—Archivi Custos.